



ՏԱՆ ԱՍԵՆԱԿԱՐԱԳ
 ԻՆՏԵՐՆԵՏԸ
 ՀԱՅԱՍՏԱՆՈՒ

«Յուքոմ» ՓԲԸ
 ՀՀ, Երևան 0069,
 Դավիթ Անհաղթի 8/4
 Հեռ.՝ +374 (11) 400 400
 Ֆաքս՝ +374 (11) 400 401
 Էլ. փոստ՝ info@ucom.am
 www.ucom.am

0170900

Էլեկտրոնային հաղորդակցության ծառայությունների մատուցման պայմանագիր
 № 0004/17/11/2022

ք. Երևան

17 նոյեմբերի 2022թ.

«Յուքոմ» ՓԲ Ընկերությունը, ի դեմս ընկերության Կորպորատիվ վաճառքի վարչության ղեկավար Դավիթ Միրաքյանի, ով գործում է 08.04.2022թ.-ին տրված լիազորագրի հիման վրա, այսուհետ՝ «Օպերատոր», մի կողմից, և «Հայաստանի Հանրային Հեռուստաընկերություն» ՓԲ Ընկերությունը, ի դեմս գործադիր տնօրեն Հովհաննես Մովսիսյանի, ով գործում է կանոնադրության հիման վրա, այսուհետ՝ «Բաժանորդ», մյուս կողմից (այսուհետ՝ Բաժանորդը և Օպերատորը միասին՝ «Կողմեր», իսկ առանձին՝ «Կողմ»), կնքեցին սույն պայմանագիրը (այսուհետ՝ «Պայմանագիր») հետևյալի մասին.

1. Պայմանագրի առարկան

1.1. Օպերատորը պարտավորվում է Բաժանորդին մատուցել էլեկտրոնային հաղորդակցության ծառայություններ (այսուհետ՝ «Ծառայություն» կամ «Ծառայություններ»), որոնց նկարագրության, քանակի և սակագնային փաթեթների մասին տեղեկությունները ներկայացված են Պայմանագրի անբաժանելի մասը կազմող հավելվածներում և/կամ Օպերատորի պաշտոնական վեբ կայքում (www.ucom.am), իսկ Բաժանորդը պարտավորվում է վճարել Ծառայությունների համար՝ Պայմանագրով սահմանված կարգով և ժամկետներում:

2. Ծառայությունների մատուցման հիմնական պայմանները

- 2.1. Օպերատորի կողմից մատուցվող Ծառայությունները պատշաճ կերպով ստանալու համար Պայմանագիրը ստորագրելուց հետո անհրաժեշտության դեպքում Օպերատորի կողմից Բաժանորդին է տրամադրվում Սարք:
- 2.2. Պայմանագրի իմաստով «Սարք» է համարվում այն սարքավորումը կամ սարքավորումները, որոնց միջոցով Օպերատորը մատուցում է իր Ծառայությունները:
- 2.3. Օպերատորի կողմից Սարքը տեղադրելուց, կարգաբերելուց և այն Բաժանորդի տիրապետմանը հանձնելուց հետո Բաժանորդի և Օպերատորի միջև կնքվում է Սարքի հանձնման-ընդունման ակտ, որը հանդիսանում է Պայմանագրի անբաժանելի մաս:
- 2.4. Բաժանորդն ընդունում է, որ Սարքը համարվում է Օպերատորի կողմից պատշաճ կերպով տեղադրված, կարգաբերված և իրեն հանձնված Օպերատորի կողմից Բաժանորդին Պայմանագրով նախատեսված Ծառայությունները փաստացի մատուցելու պահից:
- 2.5. Օպերատորի կողմից տրամադրվող Սարքը, մալուխը, դրանց պատկանելիքներն ու մասերը, ինչպես նաև Օպերատորի կողմից դրանց վրա կատարված ցանկացած փոփոխության և/կամ վերանորոգման արդյունք, եթե այլ բան գրավոր կերպով նախատեսված չէ Կողմերի միջև, համարվում են Օպերատորի սեփականությունը:
- 2.6. Բաժանորդը չի կարող իրեն տրամադրված Սարքը, մալուխը, դրանց պատկանելիքներն ու մասերը վճարովի կամ անհատույց հիմունքներով փոխանցել, վարձակալությամբ տրամադրել երրորդ անձի կամ որևէ փոփոխության ենթարկել: Պայմանագրի լուծման դեպքում Օպերատորի կողմից տրամադրված Սարքը, մալուխը, դրանց պատկանելիքներն ու մասերը վերադարձվում են Օպերատորին:
- 2.7. Բաժանորդը պարտավոր է փոխհատուցել իր կողմից Սարքի անբարեխիղճ պահպանման, ոչ լիազորված վերանորոգման, Սարքի վրա տեղադրված հոլոգրաֆիկ տարբերանշանի կանխամտածված ջնջման, փոփոխման կամ այլ կերպ վնասման հետևանքով Օպերատորին հասցված բոլոր վնասները:
- 2.8. Սարքերի տեղադրման, կարգաբերման, Բաժանորդին հանձնման, սպասարկման և այլ անհրաժեշտ աշխատանքների իրականացման բացառիկ իրավունքը պատկանում է Օպերատորի աշխատակիցներին:

2.9. Այն դեպքում, երբ Ծառայությունը մատուցվում է Օպերատորի կողմից տրամադրվող մալուխով, Բաժանորդը պատասխանատու է Ծառայության մատուցման հասցեում մալուխի անցկացման և վերջինիս անցկացման համար անհրաժեշտ թույլտվությունների ձեռքբերման համար:

2.10. Կողմերը սույնով ընդունում և համաձայնվում են, որ համակցման աշխատանքներից առաջ կատարված չափագրման ժամանակ հաշվված մալուխների երկարությունը կարող է տարբերվել համակցման աշխատանքների ընթացքում փաստացի օգտագործված մալուխների երկարությունից, ուստի համակցման աշխատանքների դիմաց վճարելու ժամանակ հիմք է ընդունվում ոչ թե չափագրման ժամանակ հաշվված մալուխների երկարությունը, այլ Սարքի հանձնման-ընդունման ակտում նշված՝ փաստացի օգտագործված մալուխների երկարությունը:

2.11. Բաժանորդը պարտավորվում է Պայմանագրով մատուցվող Ծառայություններից օգտվել «Էլեկտրոնային հաղորդակցության մասին» ՀՀ օրենքի դրույթներին համապատասխան:

2.12. Ֆիքսված հեռախոսակապի ծառայությունից օգտվելու դեպքում Բաժանորդը պարտավորվում է իրեն տրամադրված հեռախոսահամարն օգտագործել այն աշխարհագրական տարածքում, որի համար, համաձայն ՀՀ Հանրային ծառայությունները կարգավորող հանձնաժողովի 20.12.2012թ. թիվ 540Ա որոշման, հատկացված է տվյալ տարածքային կոդը:

2.13. Պայմանագրի 2.13. կետը խախտելու դեպքում Բաժանորդը պարտավորվում է Օպերատորին ամբողջությամբ փոխհատուցել վերջինիս կրած բոլոր վնասները՝ Օպերատորի կողմից այդ մասին Բաժանորդին ծանուցելուց հետո 7 (յոթ) օրվա ընթացքում:

2.14. Բաժանորդն իրավունք չունի Պայմանագրով իրեն տրամադրվող Ծառայությունները և/կամ դրանց մի մասը և/կամ որևէ իրավունք որևէ կերպ փոխանցելու (տրամադրելու) ինտերնետային ծառայություններ (էլեկտրոնային հաղորդակցության ծառայություններ) մատուցող այլ իրավաբանական կամ ֆիզիկական անձանց:

3. Կողմերի իրավունքներն ու պարտականությունները

3.1. Օպերատորն իրավունք ունի՝

3.1.1 Բաժանորդից պահանջել ժամանակին վճարելու Պայմանագրով փաստացի մատուցված Ծառայությունների դիմաց,

3.1.2 Բաժանորդի կողմից Պայմանագրի պայմանների և կետերի խախտման դեպքում միակողմանի հրաժարվել Պայմանագրի կատարումից և ապամոնտաժել իր կողմից տեղադրված մալուխներն ու Սարքը, այդ մասին առնվազն 10 օր առաջ ծանուցելով Բաժանորդին,

3.1.3 մատուցված Ծառայությունների դիմաց Բաժանորդի կողմից Պայմանագրի 5.1. կետով սահմանված ժամկետում վճարում չկատարելու դեպքում իր հայեցողությամբ Բաժանորդից պահանջել վճարելու տույժ՝ յուրաքանչյուր ուշացված օրվա համար վճարի 0,05 (զրո ամբողջ հինգ հարյուրերորդական) տոկոսի չափով և/կամ ժամանակավորապես դադարեցնել Բաժանորդին Ծառայությունների մատուցումը՝ մինչև գոյացած պարտքի ամբողջական մարումը,

3.1.4 դադարեցնել Ծառայությունների մատուցումը և լուծել Պայմանագիրը՝ Բաժանորդի կողմից ինտերնետ մուտքի հնարավորությունը ինտերնետի մյուս տերմինալների կամ բաժանորդների նկատմամբ վնասակար գործողությունների իրականացման նպատակով օգտագործելու, ինտերնետ ցանցի էթիկայի կանոններին հակասող գործողություններ իրականացնելու դեպքում, ինչպիսիք են SPAM-ի (անանուն, անցանկալի հաղորդագրությունների) ուղարկումը, հակաօրենսդրական գործողություններ խրախուսող նյութերի տարածումը, ցանցում գտնվող համակարգիչների նկատմամբ ծրագրային կամ ապարատային ոտնձգությունները (հակերությունը):

3.2. Օպերատորը պարտավոր է՝

3.2.1 Ծառայությունները մատուցել պատշաճ որակով՝ Պայմանագրում ամրագրված պայմաններին և ժամկետներին համապատասխան,

3.2.2 Պայմանագրի գործողության ընթացքում Ծառայությունից օգտվելու համար Բաժանորդին տրամադրել Սարքը և/կամ Ծառայության մատուցման հասցե(ներ)ում տեղադրել և կարգաբերել Սարքն ու միացնել Բաժանորդին իր հեռահաղորդակցության ցանցին,

3.2.3 անհատույց իրականացնել Սարքի վերանորոգման աշխատանքները և վերացնել Սարքի ի հայտ եկած առտառոական սխալներն ու անսառոսութուններն՝ Սառոհ առտառոական հտտառոհ ռեառոոմ և/կամ եռե

պատշաճ օգտագործման հետևանքով անսարքությունների ի հայտ գալուց հետո առավելագույնը 10 ժամվա ընթացքում,

3.2.4 սակագների փոփոխությունների մասին Բաժանորդին տեղյակ պահել նոր սակագների կիրառումից առնվազն 30 (երեսուն) օր առաջ:

3.2.5 Ծառայությունների մատուցման ողջ ընթացքում ապահովել Ծառայությունների պատշաճ տեխնիկական սպասարկումը:

3.2.6 Ծառայությունների մատուցման ավարտից հետո 3 օրվա ընթացքում իր հաշվին ապահովել Սարքի ապամոնտաժումը և հեռացումը Ծառայությունների մատուցման հասցեից,

3.2.7 Ծառայությունների մատուցման ընթացքում ապահովել անվտանգության տեխնիկայի նորմերի և կանոնների պահանջների պահպանումը, ինչպես նաև Ծառայությունները մատուցել այնպես, որ խոչընդոտներ չառաջանան Բաժանորդի բնականոն գործունեության իրականացման համար, ինչպես նաև չհակասեն Բաժանորդի կողմից սահմանված Ծառայությունների մատուցման հասցեում գործող ներքին անվտանգության պահանջներին, ինչպես նաև Եվրոպական հեռարձակողների միության կողմից «Մանկական Եվրատեսիլ 2022» երգի միջազգային մրցույթի անցկացման վերաբերյալ սահմանված անվտանգության կանոններին:

3.2.8 Ապահովել թվով 1 աշխատակցի ներկայությունը/հերթապահությունը «Մանկական Եվրատեսիլ 2022» երգի միջազգային մրցույթի շրջանակներում 10.12.2022 և 11.12.2022թթ. օրերին, ում մասնագիտական հմտություններ ու գիտելիքները բավարար կլինեն կապի խափանումների և/կամ այլ առաջացած խնդիրները անհապաղ վերացնելու, ինչպես նաև Բաժանորդի մոտ առաջացած այլ հարցերի շրջանակներում վերջինիս աջակցելու համար:

3.3. Բաժանորդն իրավունք ունի՝

3.3.1 պահանջել Օպերատորից Պայմանագրի կնքման պահից սկսած 15 (տասնհինգ) աշխատանքային օրվա ընթացքում, համապատասխան ծանուցումից հետո իրեն տրամադրել Պայմանագրի 1.1. կետում նշված Ծառայությունները, եթե Ծառայությունների տրամադրման ընթացքում ի հայտ չեն եկել անլուծելի տեխնիկական խնդիրներ,

3.3.2 պահանջել Օպերատորից իրեն տրամադրել անհրաժեշտ տեղեկատվություն՝ մատուցվող Ծառայություններից ճիշտ և անվտանգ օգտվելու համար:

3.4. Բաժանորդը պարտավոր է՝

3.4.1 ժամանակին և Պայմանագրով սահմանված կարգով վճարել փաստացի մատուցված Ծառայությունների համար Պայմանագրի հավելված(ներ)ով նախատեսված վճարը, անգամ եթե Օպերատորի հսկողությունից դուրս գտնվող տեխնիկական կամ այլ պատճառների հետևանքով Բաժանորդը չի օգտվել Ծառայություններից կամ եթե վերջինս չի կարողացել կարգաբերել սեփական ցանցը և ապահովել Ծառայությունների որակյալ ընդունումը:

4. Ծառայությունների մատուցման կասեցումը, դադարեցումը և վերաակտիվացումը

4.1. Օպերատորն իրավունք ունի կասեցնել, սահմանափակել կամ դադարեցնել Բաժանորդին մատուցվող Ծառայությունները՝ այդ մասին վերջինիս նախապես ծանուցելով և սահմանելով դրանց վերացման համար ողջամիտ ժամկետ, եթե Բաժանորդը՝

4.1.1 օգտագործել է չսերտիֆիկացված և/կամ Օպերատորի ցանցի հետ անհամատեղելի կամ ցանցի պատշաճ աշխատանքին խոչընդոտող սարք,

4.1.2. խախտել է Պայմանագրի պայմանները կամ ՀՀ գործող օրենսդրության պահանջները:

4.2. Բաժանորդը կարող է ժամանակավորապես կասեցնել/դադարեցնել իրեն մատուցվող Ծառայությունները 10 (տասը) օրից մինչև 2 (երկու) ամիս ժամկետով՝ Օպերատորին ներկայացնելով համապատասխան դիմում և ամբողջությամբ վճարելով մինչ այդ օրն իրեն մատուցված Ծառայությունների դիմաց:

4.3. Բաժանորդի կողմից դիմումում նշված Ծառայությունների մատուցումը ժամանակավորապես կասեցնելու/դադարեցնելու ժամկետը լրանալուց հետո Բաժանորդին մատուցվող Ծառայություններն ավտոմատ կերպով վերսկսվում են: Եթե Բաժանորդը ցանկանում է ժամանակավորապես կասեցնել/դադարեցնել իրեն մատուցվող Ծառայություններն ավելի քան երկամսյա ժամկետով, ապա նա համապատասխան դիմումը ներկայացնելուց հետո պարտավոր է Օպերատորին հետ վերադարձնել Սարքը՝ կառավարելով կամապատասխան վճարումներ եթե արտաքին սահմանում էն Օպերատորի կողմից. առ

կատարված ծախսերի դիմաց վճարները:

4.4. Եթե Բաժանորդն օգտվում է Օպերատորի կողմից մատուցվող 1-ից (մեկից) ավելի Ծառայություններից, ապա այդ Ծառայություններից որևէ մեկի համար Պայմանագրով սահմանված ժամկետում չվճարելու դեպքում Օպերատորն իրավունք ունի Ծառայությունների մատուցման կասեցումը կամ սահմանափակումը կիրառել Բաժանորդին մատուցվող մյուս բոլոր Ծառայությունների նկատմամբ:

5. Ծառայությունների գինը և վճարման կարգը

5.1. Բաժանորդը Պայմանագրով սահմանված Ծառայությունների համար վճարում է Օպերատորի կողմից ներկայացված հարկային հաշվի հիման վրա Ծառայությունների մատուցման ավարտից հետո առավելագույնը 45 (քառասունհինգ) օրվա ընթացքում:

5.2. Բաժանորդի կողմից Պայմանագրով սահմանված Ծառայությունների համար վճարումը համարվում է կատարված Օպերատորի կողմից Բաժանորդին ներկայացված հարկային հաշվում նշված Օպերատորի բանկային հաշվեհամարին վճարումը (գումարը) մուտք լինելու պահից:

6. Կողմերի պատասխանատվությունը

6.1. Օրենքի թույլատրելի սահմաններում Կողմերը սույնով հրաժարվում են միմյանց անուղղակի վնասների և բաց թողնված օգուտների հատուցման պահանջներից: Ցանկացած պարագայում Օպերատորի պատասխանատվությունը Բաժանորդի հանդեպ չի կարող գերազանցել Բաժանորդին մատուցվող Ծառայությունների դիմաց գանձվող գումարի՝ Օպերատորի մեղքով Ծառայություններից օգտվելու անհնարինության ժամկետին համամասնորեն հաշվարկված գումարը:

6.2. Բաժանորդը պարտավորվում է Պայմանագրի լուծման դեպքում (անկախ լուծման պատճառներից) 15 (տասնհինգ) օրվա ընթացքում հնարավորություն ստեղծել Օպերատորի մասնագետների համար ապամոնտաժելու Սարքը, մալուխը, դրանց պատկանելիքներն ու մասերը:

6.3. Պայմանագրի 6.2. կետով նախատեսված ժամկետում Սարքի, մալուխի, դրանց պատկանելիքների ու մասերի ապամոնտաժման հնարավորություն չստեղծելու կամ նման հնարավորությունը սահմանափակելու դեպքում Բաժանորդը պարտավորվում է 5 (հինգ) օրվա ընթացքում Օպերատորին վճարել Սարքի հանձնման-ընդունման ակտի մեջ նշված Սարքի, մալուխի, դրանց պատկանելիքների ու մասերի արժեքը, որոնցից նվազեցվում է բնական մաշվածության համար հաշվարկվող գումարը:

6.4. Պայմանագրի 6.3. կետում նշված ժամկետում Սարքի, մալուխի, դրանց պատկանելիքների ու մասերի արժեքը չվճարելու դեպքում Օպերատորն իրավունք ունի իր հայեցողությամբ Բաժանորդից պահանջել վճարելու տույժ՝ ուշացված յուրաքանչյուր օրվա համար վճարման ենթակա գումարի 0,05 (գրո ամբողջ հինգ հարյուրերորդական) տոկոսի չափով:

6.5. Օպերատորը պատասխանատվություն չի կրում.

6.5.1 դժբախտ պատահարի կամ իր գործընկերների (այդ թվում՝ օտարերկրյա) կամ գործակալների միջոցով փոխանցվող ազդանշանների կամ մատուցվող Ծառայությունների խափանման կամ դադարեցման հետևանքով առաջացած ընդհատումների, անջատումների, խափանումների կամ որոշակի տեսակի Ծառայությունների մեջ կատարված փոփոխությունների համար,

6.5.2 Բաժանորդին պատկանող համակարգի/ների կամ այլ սարքավորման/ումների անսարքության պատճառով Ծառայությունների պատշաճ չընդունման կամ ընդհատման համար,

6.6. Ինտերնետ հասանելիության ծառայության մատուցման դեպքում Պայմանագրի անբաժանելի մասը կազմող հավելված(ներ)ում նշված սակագնային փաթեթ(ներ)ի համար սահմանված արագությունները նախատեսված են Օպերատորի պաշտոնական վեբ կայքում նշված քանակով համակարգիչների միացման և օգտագործման համար: Սահմանված քանակից ավել համակարգիչներ ցանցին միացնելու և ինտերնետ հասանելիության ծառայությունից օգտվելու դեպքում Ծառայությունների ընդհատումների, խափանումների և արագության անկման համար Օպերատորը որևէ պատասխանատվություն չի կրում:

6.7. Օպերատորը ոչ մի վերահսկողություն չի իրականացնում իր ցանցով տեղափոխվող տեղեկատվության նկատմամբ և պատասխանատու չէ Բաժանորդի կողմից ստացված տեղեկատվության և բովանդակության ճշտության համար: Օպերատորի ցանցի միջոցով տեղափոխվող ցանկացած տեղեկատվություն կամ բովանդակություն օգտագործվում է Բաժանորդի ռիսկով և պատասխանատվությամբ:

6.8. Օպերատորը պատասխանատվություն է կրում Ծառայությունների մատուցման ընթացքում առաջացած ընդհատումների և խափանումների համար, և պարտավորվում է փոխհատուցել դրանց հետևանքով Բաժանորդի կրած վնասները, եթե չի ձեռնարկում անհապաղ միջոցներ նման խնդիրները վերացնելու համար:

պատճառված վնասների համար: Բաժանորդը պարտավոր է անձամբ պաշտպանել իր վերջնակետային սարքավորումը և համակարգերը վիրուսներից ու այլ անձանց անօրինական միջամտությունից և պատասխանատվություն է կրում նման վիրուսների կամ անօրինական միջամտության հետևանքով Օպերատորին և/կամ այլ անձանց պատճառված վնասի համար, ինչպես նաև կրում է նման վիրուսների կամ անօրինական միջամտության հետևանքով առաջացած պարտքերի մարման պարտավորությունը:

6.10. Բաժանորդն իրավունք չունի այլ անձի օտարել կամ փոխանցել Պայմանագրով ստանձնած իր իրավունքներն ու պարտականությունները: Բաժանորդն է Օպերատորի համար հանդիսանում միակ պատասխանատուն՝ Պայմանագրով ստանձնած իր պարտավորությունների չկատարման կամ ոչ պատշաճ կատարման, վճարումները ժամանակին չկատարելու, ինչպես նաև Օպերատորին պատճառված իրական վնասի համար:

6.11. Օպերատորը պատասխանատվություն չի կրում վճարումներն ընդունող միջնորդի կողմից սահմանված կանոնների համաձայն որևէ լրացուցիչ միջնորդավճարի գանձման համար:

6.12. Բաժանորդը պատասխանատու է Սարքի, ինչպես նաև Սարքն օգտագործելու համար հանձնման-ընդունման ակտի հիման վրա իրեն փոխանցված կամ Սարքին միացված սարքավորումների, մալուխների, լարերի և այլ պարագաների համար և դրանց փչացման, սխալ օգտագործման, կորստի, վնասվածքի կամ հափշտակության դեպքում պարտավոր է Օպերատորին փոխհատուցել դրանց արժեքը լրիվ ծավալով՝ պատճառված վնասին համամասնորեն:

7. Պայմանագրի գործողության ժամկետը

7.1. Պայմանագիրն ուժի մեջ է մտնում ստորագրման պահից և գործում է մինչև կողմերի կողմից Պայմանագրով սահմանված պարտավորությունների պատշաճ և ամբողջ ծավալով կատարումը:

7.2. Ծառայությունների մատուցման սկիզբ է համարվում Բաժանորդի կողմից Պայմանագիրը կնքելուց հետո 15 օրվա ընթացքում համապատասխան ծանուցումը Օպերատորին ուղարկելու հաջորդ օրը: Ծառայությունների մատուցվում են մինչև 12.12.2022թ.-ը::

7.3. Պայմանագիրը կարող է վաղաժամկետ լուծվել Կողմերի փոխադարձ համաձայնությամբ կամ Կողմերից որևէ մեկի նախաձեռնությամբ: Նախաձեռնող Կողմը պարտավոր է այդ մասին գրավոր ծանուցում ուղարկել մյուս Կողմին առնվազն 10 (տաս) օր առաջ:

7.4. Պայմանագրի գործողության դադարեցումը Կողմերին չի ազատում միմյանց նկատմամբ Պայմանագրի գործողության ընթացքում առաջացած պարտավորությունների կատարումից:

8. Անհաղթահարելի ուժի ազդեցությունը (Ֆորս-մաժոր)

8.1. Պայմանագրով պարտավորությունները մասնակիորեն կամ ամբողջությամբ չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, սաբոտաժը, պետական մարմինների ակտերը և այլն, որոնք անհնարին են դարձնում Պայմանագրով սահմանված պարտականությունների կատարումը:

8.2. Եթե արտակարգ ուժի ազդեցությունը շարունակվում է 3 (երեք) ամսից ավել, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես գրավոր ծանուցելով մյուս Կողմին:

9. Եզրափակիչ դրույթներ

9.1. Պայմանագրի ցանկացած փոփոխություն կամ լրացում կատարվում է գրավոր՝ Կողմերի փոխադարձ համաձայնությամբ և կազմում է Պայմանագրի անբաժանելի մասը:

9.2. Կողմերի միջև Ծառայությունների մատուցման նպատակով իրականացված համակցման աշխատանքների կատարման վերաբերյալ կնքված հանձնման-ընդունման և/կամ այլ ակտերի ու Պայմանագրի միջև հակասության դեպքում գերակայում են Պայմանագրի դրույթները:

9.3. Կողմերը պարտավորվում են միջոցներ ձեռնարկել մյուս Կողմի գաղտնի տեղեկատվության պահպանման համար և չիրապարակել այն երրորդ անձանց առանց մյուս Կողմի գրավոր համաձայնության՝ բացառությամբ

համար և չիրապարակել այն երրորդ անձանց առանց մյուս Կողմի գրավոր համաձայնության՝ բացառությամբ ՀՀ գործող օրենսդրությամբ սահմանված դեպքերի:

9.5. Կողմերի՝ Պայմանագրում նշված անվանման, գտնվելու վայրի, վավերապայմանների (հասցե, բանկային հաշվեհամար և այլն) փոփոխության, վերակազմակերպման կամ լուծարման դեպքում Կողմը պարտավոր է այդ մասին առնվազն 5 (հինգ) աշխատանքային օրվա ընթացքում գրավոր տեղեկացնել մյուս Կողմին:

9.6. Պայմանագրի գործողության ընթացքում Օպերատորն իրավասու է Բաժանորդին ծանուցել և վերջինիս հետ տեղեկատվություն փոխանակել ինչպես Պայմանագրում նշված Բաժանորդի էլեկտրոնային փոստով, այնպես էլ Պայմանագրում նշված հասցեով վերջինիս գրություններ առաքելու և ստանալու միջոցով:

9.7. Օպերատորի կողմից Պայմանագրով նախատեսված հասցեով կամ էլեկտրոնային փոստով Բաժանորդին ծանուցելը համարվում է պատշաճ ծանուցում, եթե Բաժանորդը Օպերատորին գրավոր ձևով չի տեղեկացրել իր հասցեի կամ էլեկտրոնային փոստի փոփոխման վերաբերյալ նման փոփոխությունից հետո առնվազն 5 (հինգ) աշխատանքային օրվա ընթացքում:

9.8. Պայմանագրի շրջանակում Կողմերի միջև ծագած վեճերը և տարաձայնությունները լուծվում են բանակցությունների միջոցով 5 (հինգ) աշխատանքային օրվա ընթացքում: Համաձայնություն ձեռք չբերելու դեպքում յուրաքանչյուր Կողմ իրավունք ունի վեճերի լուծումը հանձնել ՀՀ տարածքում իրավասու դատարանի քննությանը:

9.9. Կողմերն ընդունում են, որ սույն Պայմանագիրը կարող է կնքվել Պայմանագրի ստորագրված տարբերակները Կողմերի կողմից էլեկտրոնային հասցեներով փոխանակելու միջոցով: Նման եղանակով փոխանակված էլեկտրոնային փաստաթղթերն ունեն նույն իրավական նշանակությունը, ինչ անձի ձեռագիր ստորագրությամբ ամրագրված և/կամ կնիքով վավերացված փաստաթղթերը: Նշված էլեկտրոնային փաստաթղթերը համարվում են բնօրինակներ և կարող են օգտագործվել որպես ապացույց դատարանում և վեճերի քննարկման մինչդատական վարույթում:

9.10. Պայմանագրին կից հավելվածները հանդիսանում են վերջինիս անբաժանելի մասը:

10. Կողմերի վավերապայմանները և ստորագրությունները

Օպերատոր

«Յուրոմ» ՓԲ Ընկերություն

Իրավ. հասցե՝ ՀՀ, ք. Երևան, Դավիթ Անհաղթի 8/4
Գործ. հասցե՝ ՀՀ, ք. Երևան, Դավիթ Անհաղթի 8/4
Հեռ՝ 374 11 444444

Ֆաքս՝ 374 60 444441

ՀՎՀՀ՝ 00024873

Բանկ՝ «Ամերիաբանկ» ՓԲԸ

Հ/Հ 1570043102134100

Կորպորատիվ վաճառքի վարչության ղեկավար՝

Դավիթ Միրաքյան



Բաժանորդ

«Հայաստանի հանրային հեռուստաընկերություն»

ՓԲ Ընկերություն

Իրավ. հասցե՝ ՀՀ, ք. Երևան, Գ. Հովսեփյան 26
Գործ. հասցե՝ ՀՀ, ք. Երևան, Գ. Հովսեփյան 26
Հեռ՝ 010 650015

ՀՎՀՀ՝ 01540062

Էլ. փոստ՝ hovhannes.manukyan@1tv.am

Գործադիր տնօրեն՝

Հովհաննես Մովսիսյան



ք. Երևան

17 նոյեմբերի 2022թ.

ԾԱՌԱՅՈՒԹՅՈՒՆՆԵՐԻ ՆԿԱՐԱԳԻՐԸ, ՔԱՆԱԿԸ և ՍԱԿԱԳՆԵՐԸ

1. Տրամադրվող ծառայություններ

N	Նկարագրություն	Վճար/ՀՀ դրամ	Հասցեներ
1	U!Net CIR Extra Ինտերնետ՝ 1000 մբթ/վ, static real ip /24 subnet	1,200,000	Երևան, Ծիծեռնակաբերդի գրոսայգի 1 Մարզահամերգային Համալիր
2	U!Net CIR Extra Ինտերնետ՝ 1000 մբթ/վ, static real ip /29 subnet	800,000	Երևան, Ծիծեռնակաբերդի գրոսայգի 1 Մարզահամերգային Համալիր
3	U!Net CIR Extra Ինտերնետ՝ 100 մբթ/վ, DHCP real ip /32 subnet	200,000	Երևան, Ծիծեռնակաբերդի գրոսայգի 1 Մարզահամերգային Համալիր
4	U!Net CIR Extra Ինտերնետ՝ 100 մբթ/վ, DHCP real ip /32 subnet	200,000	Երևան, Ծիծեռնակաբերդի գրոսայգի 1 Մարզահամերգային Համալիր

2. Ծառայությունների սակագները

Ծառայության (Ծառայությունների) վճարը կազմում է 2400000 (երկու միլիոն չորս հարյուր հազար) ՀՀ դրամ (ներառյալ ԱԱՀ):

Օպերատոր

«Յուրոմ» ՓԲ Ընկերություն

Իրավ. հասցե՝ ՀՀ, ք. Երևան, Դավիթ Անհաղթի 8/4
Գործ. հասցե՝ ՀՀ, ք. Երևան, Դավիթ Անհաղթի 8/4
Հեռ՝ 374 11 444444

Ֆաքս՝ 374 60 444441

ՀՎՀՀ՝ 00024873

Բանկ՝ «Ամերիաբանկ» ՓԲԸ

Հ/Հ 1570043102134100

Կորպորատիվ վաճառքի վարչության ղեկավար՝

Դավիթ Միրաքյան

Բաժանորդ

«Հայաստանի հանրային հեռուստաընկերություն»

ՓԲ Ընկերություն

Իրավ. հասցե՝ ՀՀ, ք. Երևան, Գ. Հովսեփյան 26

Գործ. հասցե՝ ՀՀ, ք. Երևան, Գ. Հովսեփյան 26

Հեռ՝ 010 650015

ՀՎՀՀ՝ 01540062

Էլ. փոստ՝ hovhannes.manukyan@1tv.am

Գործադիր տնօրեն՝

Հովհաննես Մովսիսյան

